



свѣтскій з посродку себѣ обравши и всѣ свои имъ потребы до св. мѣсцъ поручивши, овде прислати рачили и участни-ками тогомъ з нами празденства и духовнаго веселя сподобившия въ церковной тежъ потребѣ пословѣтовали, чого вамъ и собѣ зычачи з поволностю мою и молитвами пилне братолюбію всѣхъ вашихъ милостей отдаюся. З святой Лавры Печерской Киевской, мѣсяца іюня 17, року 1628.

Вашему братолюбію всѣхъ благъ желатель и  
молитвенникъ

Петръ Моила, воеводичъ земль Молдавскихъ, милостію Божію великий архимандритъ великия чудотворныя Лавры пе-черскія Киевскія рукою власною.

(Съ подлинника, находящаюся въ библіотекѣ Переяславль- скаго уніатскаго собора.)

---

LV.

Современная брошюра о Кіевскомъ соборѣ, бывшемъ въ августѣ

1628 г.

(заглав. листъ).

АПОЛЛЕ-ІА

Апології Книжки діалектомъ Русскимъ написанои, Поль- скимъ зась ве Лвовѣ друкованои, вкоротце а правдиве зъ- суммированая. Презъ Станъ Духовный Восточного Правосла- вія подъ послушенствомъ Святѣйшаго Патріархі Констан- тинополскаго, звыклого въ Россіи Господина, Отца и Пастыря, стало и не отмѣнне ажъ и по сесь часъ знайдую- чійся, и до друку на жадане многихъ поданая за благо- словеніемъ и позволенемъ старшихъ въ тойже святой церкви россійской.

Року отъ съданія Mіru 7136, а отъ рождества Господа на- шего Іусусъ Христа 1628 мѣсяца Августа 30 дня.

---



(Обор. заглавного листа).

*Позволене зъ Сейму прецшлого зъехатися на мъстце певное Духовенству Православному не въ Унїи будучему, тыми словы:*

*„А штося тычетъ Духовныхъ Русскихъ и неунитовъ, тедыся мають передъ Сеймомъ пришлымъ знести зъ собою, якобы прикладомъ Духовенства нашего и униатовъ ведлугъ здолности тежъ приложилися до ратунку теперешнаго Речи посполитой“.*

(Зъ конституції друкованої въ Варшавѣ).

(Посвятительная предмова).

*Въ Христъ превелебному Его милости Господину Отцу Кръ Іереміи Тисаровскому, зъ ласки Божеи Освященному Епископови Лвовскому, Галицкому и Каменца Подолскаю, Екзарше Фрону Константинопольску, Пастыреви Благочестивому:*

*При юйной Ласціи и Благословенствѣ Божомъ, душеспасителю до момътне пребыванія цале упрайме зычимъ.*

Зъ Конституції прецшлого Сейму взявши вѣдомость о воли и росказанию Его Королевской Милости, Пана нашего Милостиваго, строны зъеханя ся Духовенства Православнаго не въ Унїи будучаго, а не могучи найспособнѣйшаго часу усмотрити, надъ презацныій праздникъ Успенія пречистой и преблагословленной Богородицы, который ся звыклъ потып всѣ часы, за прибытьемъ и становенемъ ся на набоженство не только Духовныхъ але и свѣтскихъ персонъ не малъ зо всѣхъ сторонъ и краевъ того Панства въ Святой Великой и Чудотворной Лаврѣ Печерской отправовати, гдыся немалая личба нась притомныхъ знаходила, и Святителество твоє, яко Господина Отца и Пастыра Благочестиваго, тамже притомное мѣти сподѣвали; лечь ижъ зъ причинъ снатъ великоважныхъ Святительство твоє до того прійти не могло. Тогда ачъколвекъ то певная у нась же каторіи зъ Діоцезії Святительства твоего овде находилися и самовидцами топ



АПОЛЛІИ были, дали южъ о томъ справу штося дѣяло зъ Апологію Книжкою, ве Левове по полску друкованою, а по Руску написанною, и до певныхъ персонъ пересланою: Еднакъ ижъ то штося на Литургії Божественной скоро по Евангеліи публице по Премовѣ читало на Каѳедрѣ, и о чомъ по праздникѣ зъѣхавши до Преосвященнаго Господина Отца и Паstryра нашего зъ Освященными Епископами и инишими Духовенствомъ трактовало, нетолко достаточне и порядне отъ нихъ реферовати, але и въ памяти людской долго обносити не могло, за слушную и душеполезную речь усудилисмо презъ друкъ всѣмъ оголосити въкоротце а справедливе, ввесь прогрессъ зъеханыя нашого зсумовавши, дедикующи и офѣрующи всю тую працу нашу Святителству твоему яко Господинови отцови и Паstryру нашему благочестивому, которая же любовне отъ Святителства твоего принятая, и охотнѣ прочитаная будеть доброи въ томъ на-дѣи естесмо.

*Святительства твоею Господина отца  
и Паstryра нашего*

Сынове въ Духу, Слуги и Богомолци, Станъ Духовный Восточнаю Православіа подъ послушенствомъ Святѣйшаго Патріархи Константинопольскаго звѣклого въ Россіи Господина отца а Паstryра нашою, стале а не отмънне аже и по сесь часъ знайдуючіися.

---

(На обор. З не нумерованнаго листа).

Посланиіа втораго Петрова, глав. 2.

Быши лживыи Пророцы въ людехъ, якоже и въ васъ будуть лживыи учитеle, иже внесутъ ереси пошибели, и искупльшаю ихъ Владыки отмѣтающиися, приводяще себѣ скорую пошибель, и мнози пойдутъ въ сильдъ ихъ нечистотѣ, имиже путь истинный похулился, и въ преумноженіи лѣстивыхъ словесъ васъ уловятъ: ихже судъ искони не коснитъ, и пошибель (*ἀπολλέια*) ихъ недръмлетъ.



Того же глав. 3.

*Тъмже възлюбленніи, сихъ чающе, потищитеся нескверни и испорочни обрѣтишся тому въ мірѣ: и Господа нашего длаго-терпніс, спасеніе испищуте: яко же и възлюбленный нашъ братъ Павелъ, по данной ему премудрости написа вамъ, яко же и въ всѣхъ своихъ посланіяхъ и малоя въ нихъ о сихъ, въ нихъ же суть неудобъ разумна нѣкая, яже ненаученніи и неутврѣжденніи раз-вращають, яко же и прочая Писанія, къ своси имъ погибели. Въ же предвѣдяще, хранитеся, да не лестію безаконныхъ сведеніи бываши, отпадете своею утврѣженіа.*

---

(Начало 1 номер. листа).

#### АПОЛАЕІА АПОЛОГІІ.

Дознавши не поеднокроть, ижъ призвоитая есть речъ злымъ и превротнымъ людемъ, найлѣпшии справы и поступки наши иначай титуловати, а обавляючися абы и тая Консультаций (совѣтованіе) наша не была чимъ инишымъ оголошеная, найпервый манифестацію до книгъ гродскихъ воеводства Кіевскаго учинилисмо въ тыи слова:

Скоро Превелебный Господинъ нашъ взяль зъ Кігороду тутешнего Кіевскаго вѣдомость, ижъ на близкопрещломъ Сеймѣ Его Кролевская милость, Панъ нашъ милостивый, и Речь Посполитая вся, обмышляющи теперешній противко неспрятелеви Коронному ратунокъ, по всѣхъ и вшелякихъ станахъ и кондиціи людехъ, хотѣла то мѣти, абы на таковую на тотъ часъ потребу всѣ ся сполне своими приложили достаткамъ, где, жетежъ и насъ тыхъ Духовныхъ которыи при старожитности зостаючи, съ Костеломъ Римскимъ унѣи не принялисмо вложено, ажебысмося зъ собою сами коло того, зѣхавшия на мѣстце певное, знесли и порозумѣли, и Конституциею Сеймовою выражено: абы теды Его Кролевской милости Пану наптому милостивому и Речи Посполитой на особъ помененой Отца нашего не зопло, и на



томъ Духовенствѣ, которыи въ Унїи не суть, што за нерѣдомостю не зостало: и остерегши того и тою самою манифестацію, ижъ любо вѣ Духовныи такъ старшій Митрополитъ и Владыкове, яко и веле иныхъ нижшаго стану людей Духовныхъ отъ своихъ Парафѣй, Церкве и Каѳедрѣ для непринятия упїи отдалены будучи, жадныхъ добрѣ церковныхъ не держать, и только для душъ людскихъ пасеня титулъ працовитый безъ вшелькихъ доходовъ и пожитковъ на собѣ носячи зъ ялмужны самони отъ Побожныхъ за народу Руского людей въ убозествѣ живутъ, даль еднакътымъ, помененый Отецъ насть до всѣхъ Владыковъ и иншаго духовенства, которыи по розныхъ мѣстцахъ такъ въ Коронѣ яко и въ Великомъ Князествѣ Литовскомъ мешкаютъ, знасти, абы стосуючися въ той мѣрѣ до волѣ Его Кролевской Милости Пана нашего милостивого и всеи Речи Посполитой, иле быти можетъ въ такомъ часѣ напрудшей до Его Милости яко до Пастыра своего зѣбхати до Кіева и коло того намову учинити могли.

Таковый фундаментъ Консултациі нашое и вѣтотъ цель а конецъ гдыся заложиль, въ томъ часѣ, двома днями предъ праздникомъ прибыль до Кіева Превелебный въ Бозѣ Господинъ отецъ Мелетій Смотрискій архиепископъ Полоцкій, и проч: и въ монастыри святого Михаила Золотоверхого мешканье назначоное одержжалъ: а же Книжкою тою по Руску написаною и въпродъ засланою посоченый и пошликованый быль за мудрствующаго противное благочестію восточному; не въпродъ зъ нимъ до обачеяся пришло Преосвященному Митрополитови и Освященнымъ Епископомъ. ажъ упередило посланье до него певныхъ персонъ зъ Собору на то деputованыхъ, до котораго прибывши гды зъ нимъ долго розмавили, а то все въ любви зъ собою отправуючи, розышлися, пришло за ласкою и помочью Богюю до такого скутку, ижъ помененый Господинъ отецъ Архиепископъ на день завтрашній таковый весь листъ власною рукою своею до Преосвященнаго Господина отца митрополита писаль.



Преосвященный мой Господине:

Сподѣвалемъся я звыклои притомнои усты къ устомъ зъ Преосвяществомъ твоимъ, и зъ прочію превъзлюбленію ми о Христѣ Братію въ справахъ церковныхъ намово, а не презъ третіи особы, для чего въ край сей на назначенный отъ Преосвященства твоего часъ прибылемъ, о томъ, абымъ што зъ себе самого въ церкви, неркучи противъ церкви становилъ, а и въ мыслячи: бо, не въ той въ которойся уродилемъ Христовой церкви умерети нѣгдымъ себѣ не зычилъ, и не зычу, и цевенемъ по ласце Бога моего же мя Восточная Святая Церковь гробными пеленами повѣтъ, которая мя зъ воды и Духа уродила. За чимъ прошу сыновеско презору отцевскаго тяжшаго нѣжъ есть вина моя, нехай непонощу, такъ отъ Преосвященства твоего, якъ и отъ прочіихъ Боголюбивыхъ, и въ Возъ Велебныхъ. Бо то не будетъ вредъ, если есть якій, лѣчти, але его розчесовати и ятрити. То штося южъ стало презъ друкъ, разстатиша не можетъ; вшакъже абы ся то по всемъ томъ Панствѣ не разлетѣло, забѣчши тому еще можетъ, за сполню о томъ намовою и радою нашею, неширачи тыхъ речій се зде, тамъ имъ забѣчи, отколь оны ширшими статися могутъ. Для чого черезъ посланники отъ Преосвященства твоего, и прочіихъ Боголюбивыхъ и въ Богу Велебныхъ отцевъ и о Христѣ братіи до мене присыланыи, упомненный бывши вшеляко всему тому што бы ку смятенію церковному быти мѣло забѣчи хотячи, прошу Преосвященства твоего и прочіихъ всѣхъ боку Преосвященства твоего приєдячихъ Пречестныхъ ми Господиновъ и Превъзлюбленыхъ Отцевъ и Братіи, абымъ до общаго о томъ Совѣту милостії вашихъ быль допущенъ. и о сродку забѣженя намовившия, то абымъ сегодня (не пускаючи въ далшій часъ преотлеглость мѣстца на котормъся друкуетъ) учинилъ, чтобы презъ мене за общимъ всѣхъ до того Совѣту належачихъ Совѣтомъ безъ жадныхъ заводовъ діспутаційныхъ учинено быти належало. Бо где бысте мя въ томъ такомъ разѣ Преосвященство твое и про-

чін о Христѣ Братіа отбѣгли и зоставили и отъ себе оттрутили, за отбѣженого и зоставленого и оттрученого, а не за отбѣгающаго и оставляющаго себѣ судити мусъль бы, и быль бы то во мнѣ ледво улѣчнитися могучій отъ Преосвященства твоего заданый уразъ, котораго възваніа дѣло есть нѣмощное на свои скотъ брати а не презирати и оминати. Затымъся звыклой любви и ласце Преосвященства твоего и прочіихъ Боголюбивыхъ и въ Гозѣ Велебныхъ Господиновъ моихъ и отцевъ себе отдаю.

Писанъ въ святой обители святого Архистратига Михаила Золотоверхого въ Кіевѣ. Року 1628, Августа 14 дня.

Преосвященству твоему всѣхъ добръ зычливый братъ о Христѣ и рабъ, *Мелетій Смотрицкій* Архієпископъ Пілоцький, и проч: Архимандріть Віленскій и Дерманскій.

Зъ того листу Господина отца архиепископа зрозумівши чого аффектуетъ и о што просить, скоро по обѣдѣ тогожъ дня становилися особами своими до его милости Преосвященный Митрополитъ, освященныи Епископове и зъ іншими Духоченствомъ; тамже немалый часъ на размовѣ зъ онимъ стративши, ганячи его милости тотъ поступокъ, же въ особѣ трехъ скрибентовъ отъ церкви не апробованихъ, всей церкви восточной матце своей смѣль и вожилься таковыми ереси и блуды задавати, отъѣхали, въ навечеріе южъ праздника зъзволеніемъ на то, абыся ревокациа (отволане) написала, и публице зъ каѳедры дня завтрашніго читаная была: въправдѣ было то же зъконцинованная была и написаная. Лечъ его милость отецъ архиепископъ на оную не зъзволивши, своею власною рукою овую натерміноваль, переписаль, и читати на Божественнай лутургії позволилъ. Которой тыи суть слова:

Я Мелетій Смотрицкій Милостію Божією Архієпископъ Пілоцький, бывши взятый отъ всея церкве нашей Руской въ подозрене отступства отъ Вѣры Православной Греческой Соборной Церкве Восточной: А выйстремъ подъ именемъ моимъ зъ друку выданої Апологію отитулованої книжки, еще барзій въ тогожъ отступства подозрене поданої презъ се мое оголошене всей церкви моей Руской черезъ милость

вашу притомныхъ на сесь часть въ святой обители Печерской и въ храмѣ семъ святомъ Пречистои Дѣвы Богородицы Успенію посвященномъ до вѣдомости доношу: ижъ зъ части иѣкоторои таковому отъ Православныхъ догматъ облуженю самъ подлагаю, зъ болшei еднакъ части тое такое облужене сталося быти признаваю зъ словолного домыслу особы тои, которой тая Апологія языкомъ Полскимъ зъ другу быти выдана была отъ мене повѣренна: меновите зе злого умыслу Касіана Саковича въ монастыру Дубенскомъ Преображенія Господня старшествующаго. Которое не осто-рожное облуженеся, такъ иле до самого моего погрѣшения, якъ и иле до шкодливого повѣрения противъ Православнамъ Вѣсточнай церкви Догматомъ быти познавши, и признавши: милостица быти погрѣшению моему Господа Бога умоляю, а всей церкви моей Русской тогожъ добродилового Бога моего доброволне обещаю же южь на потомъ всею душю мою выстерегатися того хочу, даючи въ сей святой церкви вѣдомость того моего жалованія прѣзъ знакъ овый, же пе-редъ очима милостій вашихъ всѣхъ той мой Апологію на званый скринть зневажаю, шарпаю и подъ ноги мое помѣтаю: подъ клятвою учиненою Господу Богу на онъ часъ кгдымъ быль при Преосвященномъ Господинѣ моемъ и про-чихъ церкви нашей Росской Архіереахъ на Архіерейство отъ Святѣшаго Патріархи Іерусалимскаго Господина Отца Феофана подъ послушенство Святѣшаго Патріархи Констан-тинопольскаго произвоженъ и рукополаганъ. Року 1628 Ав-густа 14 дни.

У того листу печать Архієпископская притиснена есть одна. А подпись руки тыми словы:

*Мелетій Смотрицкій, Архієпископъ Полоцкій, Епископъ Витенскій и Метиславскій, Архимандритъ Виленскій и Дерманскій власною рукою.*

Гды теды таковыми обличенемъ самого себе добро-волнымъ знесль зъ себѣ супшию зъ радостю великою при-пущонай заставши до совѣту, найпервой о томъ на день



завтрешиі трактовали, якобыся приложенемъ и отъ нихъ суммъ якои натакъ гвалтовную потребу Речи Посполитой выходитися могло, и што за скутокъ той нашои намовы въ инструкціяхъ да Богъ на пришлый сеймъ ихъ милостямъ павомъ посломъ зъ розныхъ воеводствъ и повѣтовъ подано и внесено будетъ.

Ажебы южъ отъ того часу жаднои вонтиливости излого минимания такъ о Боголюбивомъ Господину отцу Архиепископѣ яко и о инишихъ Святителяхъ а пастырехъ нашихъ межи людми въ народѣ Россійскомъ православиомъ небыло, речь пилно гвалтовную а народови христіанскому велице потребную усомотрили нависати таковыи листъ и до друку его благословили подати. Котораго тыи суть слова:

Іовъ Борецкій милостю Божію Архієпископъ Митрополитъ Кіевскій Галицкій и всея Россії.

Всѣмъ благочестивымъ и христолюбивымъ всякого сана и чина истиннымъ церкве святыя Въсточныя сыномъ россійского рода. Ласка вамъ покой и милосердіе отъ Бога Отца и единородного Его Сына и Пресвятаго и Животворящаго Духа: Бога въ Тройцы славимого, и благословеніе престоза митрополіи Кіевской отъ Іерусалима.

Смиреніе наше вѣдомо чинимъ, ижъ мы зъ духовенствомъ своимъ Архієпископомъ, Епіскопами, Архимандритами, игуменами, протопопами, іереями и иишимъ причтомъ церковнымъ знесши зъ собою въ обители святаго Архистратига Михаила по празницѣ Успенія Пречистой Богородицы, за позволенемъ зъ сейму прошлого, и посовѣтовавши якимъ бы способомъ, любо то бенефицій жадныхъ не маемъ, и отъ нашего духовенства россійскаго прикладомъ иныхъ приложенеся даткомъ натакъ вилную потребу Речи Посполитой статися могло, и той нашои намовѣ сполной, презъ ихъ Милость Паны послы зъ розныхъ Воеводствъ и Повѣтовъ на пришлый Сеймъ обраными, скутокъ и конецъ ознаймити предъ себе взявши и постановивши. За тоюжъ оказиою прибытия зъ многихъ сторонъ и мѣсцъ людій Православныхъ духовнаго и свѣтскаго стану речь потребную усомотрилисмо, народъ Христіанскій Православный Россійскій, такъ въ Ко-



ронъ якъ и въ Великомъ Князествѣ Литовскомъ подъ послу-  
шенствомъ Святѣйшаго Вселенскаго Патріархі Константи-  
нополскаго, а смиренія нашего благословеніемъ, стало и не-  
отмѣнне труаючій, не только устне въ Благочестіи святомъ  
Вѣсточномъ укрѣпiti и змоцнiti, але и тымъ унїверсал-  
нымъ листомъ нашимъ до вѣдомости всѣхъ донести, по  
смиреніи нашемъ то обещуючи и прирекаючи: ижъ яко смо-  
но сесь часъ о жадномъ отступствѣ не мыслили, и до Апо-  
стасіи унїятской не склонялисмося, такъ и до исхода душъ  
нашихъ за ласкою и помочю всесильнаго Бога, тогожъ  
стеречися подъ клятвою передъ Святѣйшимъ Патріархомъ на  
себе уччиеною, а на тотъ часъ потврженою хочемъ, и  
обовязуемся, и по милостехъ нашихъ, Народѣ Россійскій  
Православіа Вѣсточнаго, такъ духовнаго яко и свѣтскаго  
стану потребуемъ и плино просимъ, азъ власти нашей Па-  
стырской и напоминаемъ: абы при добродѣтельномъ житіи  
Христіанскомъ побожномъ, учинками и благочестіемъ свѣт-  
ло сіаючомъ статечными зоставати хотѣли. Надѣю живота  
вѣчнаго упевненыи, въ вѣре Богомъ преданной, Апосто-  
лами проповѣданной, Съборами Вселенскими стверженой и  
кровью мученическою запечатованой, которая отъ Востока  
въ продкахъ нашихъ завѣтавши, ажъ и до того часу въ  
насъ потомкахъ ихъ, святою, непорочною, и жадными но-  
вотиннами не змазаною, и спасеніе памъ и вамъ и вѣчное  
Царство еднающею знайдутесь: Котораго всѣмъ сыномъ  
въ духу послушнымъ нашего смиренія спріаемъ, вѣншуемъ  
и молитствовати ото винни зоставаемъ. На што при печа-  
техъ нашихъ руками своими подписуемся, и абы то всѣхъ  
доходить могло, зъ друку выдати позволилисмо.

Писанъ въ монастыру Михайловскомъ Церкве Золото-  
верхой, въ Богоспасаемомъ градѣ Кіевѣ, Влѣтіо бытія міра  
7136. А отъ Рождества Христова 1628, мѣсяца Августа 16 днія.

Утого листу печать Митрополитанскаа, Архиепископ-  
скіи, Епископскіи, и иныхъ барзо много притисненыхъ есть.

*А подпиши рукою твоими слова:*

**Іовъ Борецкій** Митрополитъ Кіевскій, рукою власною.  
**Мелетій Смотрицкій** Архиепископъ Полоцкій, Епископъ Вітебскій и Мстиславскій, Архимандритъ Віленскій и Дерманскій, рукою власною.

**Ісаїа Копинскій** Архиепископъ Смоленскій и Черніговскій, рукою власною.

**Ісаакій Борисовичъ** Епископъ Луцкій и Острозскій, рукою власною.

**Іаісій Ипполітовичъ** Епископъ Холмскій и Белзкій, рукою власною.

**Аврамій** Епископъ Стагонскій, Владыка Пинскій и Туровскій рукою.

**Петръ Могила** Воеводичъ Земль Молдавскихъ, великий Архимандритъ Святои Великои Чудотворнои Лавры Печерской Кіевской, рукою власною.

**Філіоей Кизаревичъ**, Намѣстникъ Святої Великої Лавры Печеркої, съ всею въ Христѣ братією, рукою.

**Варлаамъ** Архимандритъ Кронскій, и намѣстникъ Митрополіи Кіевской, Протъ Монастырей Князества Литовскаго, рукою власною.

**Многогрѣшный Іоаносій** Ігуменъ Скута и Угорникъ, Протъ монастырей воеводства Руского, Белзкого и Подолскаго, власною рукою.

**Іосифъ Бобриковичъ** Намѣстникъ и Ректоръ монастыра Братскаго Віленскаго церкве Святого Духа.

**Недостойный въ Іеромонасехъ Комментарій** Ігуменъ монастыра Межигорскаго.

**Іеромонахъ Тарасій Земка**, Ігуменъ Богоявленскій Кіевскій, Проповѣдникъ Слова Божего монастыра Печерскаго Кіевскаго, рукою.

**Софроній Жеребило Лобунскій**, Ігуменъ монастыря Курілскаго Кіевскаго, рукою.

**Серапіонъ Бѣлскій**, Ігуменъ монастыра Святого Николы Пустынскаго Кіевскаго, рукою.



*Гедеонъ Игуменъ Минскій Святыхъ Верховныхъ Апостолъ Петра и Павла, рукою власною.*

*Іеромонахъ Іоаннъ Жемльзо Игуменъ Почаевскій, власною рукою.*

*Многогрѣшный Крѣплю Игуменъ Любартовскій, Проть монастырей воеводства Кіевскаго, Волынскаго, и Брацлавскаго.*

*Смиренный Іеромонахъ Іннатій Симоновичъ Игуменъ монастира Тригорскаго Преображенія Святого Спаса.*

*Многогрѣшный Іасафъ Игуменъ Бережанскій, власною рукою.*

*Памво Берында Старецъ и Духовникъ въ Святой Обители Нечерской Кіевской.*

*Іеромонахъ Гларіонъ Вощкевичъ Творовскій Игуменъ, мній въ Духовницехъ, и старецъ Соборный Монастыра Печерскаго Кіевскаго, рукою власною.*

*Іеромонахъ Феодосій Оранскій, уставникъ церкве Монастира Печерскаго Кіевскаго, рукою.*

*Многогрѣшный Іоиль Трутевичъ, рукою власною.*

*Многогрѣшный Іеромонахъ Іоиль рукою власною.*

*Іеромонахъ Меѳодій, Намѣстникъ Ладинскій, рукою власною.*

*Климентій Протопопа Кіевскій съ всею Капитулою Кіевскою.*

*Андрей Мужиловскій, Протопопа Князества Слуцкого и Копылскаго съ всею Капитулою церкве соборное Слуцкое рукою власною.*

*Іоаннъ Бережанскій, Протопопа Острозскій.*

*Лаврентій Зизаній Тустановскій, Протопопа Корецкій, рукою своею.*

*Феодоръ Леонтіевичъ недостойный Протопопа Дубенскій, рукою власною.*

*Борисъ Вѣскресенскій Протопопа Чудновскій, рукою.*

*Феодоръ Решецкій, Протопопа Копыскій, рукою власною.*

*Андрей Деолидовичъ Протопопа Шкловскій, рукою.*

Ишого Духовенства Игуменовъ, Іеромонаховъ, Протоповъ, и Пресвитеровъ, которыхъ барзо великая личба была не вспоминается для ненапригренъя долгости ихъ ласкавому Чительнику.

По написанию того листу, и сконченью того звезды духовного, тудѣжъ по отезде и его милости господина отца Архієпископа, на тыхъ мѣстѣ новичы почалися носити межи людми таковыи, якобы Апологія книжка не презъ Митрополита, Архієпископа и Епископовъ мѣла быти шарпаная, паленая и проклятству вѣчному отдаваная, але толко презъ иѣкоторыхъ пресвитеровъ, которымъ то омылнымъ повѣстимъ встренть чинячи, заразъ преосвященный Митрополитъ зъ Архієпископомъ и Епископами при немъ еще знайдуючими листъ аттестації выдаетъ въ тихъ слова:

Іовъ Борецкій милостію Божію Архієпископъ Митрополитъ Кіевскій Галицкій, и всея Россіи: съ всѣми споль Архієпископомъ и Епископами.

Всѣмъ благочестивымъ и христолюбивымъ всякаго сана и чина людемъ Россійскаго рода. Ласка вамъ, покой и милосердіе отъ Бога Отца, и Единороднаго Его Сына, и Пресвятаго и животворящаго Духа, и благословеніе смиренії нашихъ и Святѣйшаго Престола Митрополіи Кіевской отъ Іерусалима.

Взявши смиреніе наше вѣдомость певную о томъ, ижъ иѣкоторыи персоны по съборѣ нашомъ смыли и важилися мовити и межи людми удавати якобы Апологія книжка до народу руского, зъ друку на свѣтъ по полску отчасти ве Лвовъ выданная а по руску на писмѣ вся пресланая до нась и читаная, не презъ нась Митрополита, Архієпископа и Епископовъ мѣла быти читаная, шарпаная, паленая, и проклятству вѣчному отдаваная, зъ анаемою на тотъ часъ на Касіана Саковича въ томъ дѣлѣ услугуючого, але толко презъ иѣкоторыхъ пресвитеровъ. Каждому православному и хотячому вѣдати то ознаймуемъ: ижъ не хто иишій виродъ прочитавши зъ иишімъ духовенствомъ але мы Митрополитъ и Епископове, при бытности самогожъ господина и съслужи-



теля нашего господина отца Мелетія Смотрицкого Архієпископа Чолоцькаго Епіскопа Вітепськаго и Мстиславскаго, архімандрита Віленскаго и Дерманскаго, который литургію божественну по обхожденіи съ кресты въ храмѣ Успенія Пречистой Богородицы въ Святой Великой Лаврѣ Печерской Кіевской будучомъ въ всемъ Архіерейскомъ одѣнью зъ пами сполне целебровалъ. Публице на амвонѣ по евангелии и читаню зъ каѳедры на писмѣ карты зъ друку выданои тѣ перъ, а рукою власною отъ его милости написанои шарпалисмо, допталисмо и оғиу властію собѣ отъ собора даною (проклинающи и книжку и Касіана) предавалисмо, и самъ господинъ отецъ Архієпископъ шарпаль, и палиль, и анаѳемъ якъ книжку такъ и Касіана предъ лицемъ всеси церкви отдавалъ. На што для лѣпшев вѣры и знесеня тыхъ омылыхъ повѣстей, а забѣженя далшему розсѣваню того удаванья несправедливого и сесь нашъ листъ скоро о томъ насъ вѣдомость дошла, зъ подписами рукъ и зъ печатми нашими далисмо. Писанъ въ монастиру Міхайлівскомъ церкве Золотоверхое, лѣта отъ создания міра 7136 а отъ Рождества Господня 1628 року, авгуستа 24 дня.

У того листу при печати Митрополитацкой Архиєпископа, и Епіскопскихъ печатей притисченныхъ три. А подписы рукъ выми словы:

*Іовъ Борецкій Митрополитъ Кіевскій, рукою власною.*

*Ісаіа Копинскій, Архиєпископъ Смоленскій, Черниговскій и всего Съвера: архімандритъ монастирѣ Заднѣпрскихъ, рукою власною.*

*Ісаакій Борисовичъ, Епіскопъ Луцкій и Острозскій, рукою.*

*Пантелей Ипполитовичъ Епіскопъ Холмскій и Белзкій, строитель монастира Мѣлецкого рукою власною.*

*Аврамій Епіскопъ Старонскій, владыка Пинскій и Туровскій, рукою власною.*

---

Донесши теды до вѣдомости всѣхъ православныхъ та-  
ковый напѣ прогресь (поступокъ) того зъезду, вкортце а  
справедливе, каждого читалника о то пишно просимъ, абы  
давши вѣру Реляціи справедливої такъ многихъ персонъ,  
еслибы рукъ его дошла *Apologia* ве Львовѣ друкованая: не-  
хай читанья онои овшеки зачехаетъ, яко тои которая отса-  
могожъ Autora еи подоптана пошарпаная и проклятству  
отданая есть. Зъ Кассіапомъ тежъ жадного сполѣкованя  
мѣти не потреба, яко зъ тымъ который въ церкви Вѣсточ-  
ной мѣстца южъ немаетъ.

Самъ зась въ презацномъ народѣ Россійскомъ знайду-  
ючися, сталымъ знайдуйся и въ свитомъ Православіи Вѣ-  
сточномъ: Той абовѣмъ православної вѣры естесь наслѣ-  
довцею и вызнавцею, которая есть Богомъ преданая, Апо-  
столами оповѣданая, Вселенскими Соборами конфирмова-  
ная, Богословами церковными Вѣсточными и Заходними за-  
лещеная, и кровю мученическою запечатованая, а зъ Во-  
стоку до насъ народу Россійского цало завиталая: якобы  
каждый зъ насъ о собѣ речи могъ предъ зействемъ зъ сего  
свѣта: подвигомъ добрымъ подвизахъся, теченіе скончахъ,  
вѣру съблудохъ, проче убо съблудаетъ ми си вѣнецъ прав-  
ды, его же вѣздастъ ми Господь въ день онъ, праведный  
Судія, нетокможе миъ, но и всѣмъ възлюбленіемъ явленіе  
Его.

---

*Примѣч.* Въ нашей ученой литературѣ рас-  
пространено мнѣніе, что напечатанная нами бро-  
шюра заключаетъ въ себѣ полемику Кіевскаго  
Митрополита Іова Борецкаго противъ Апологіи  
Мелетія Смотрицкаго<sup>1)</sup>). Такое мнѣніе оказывается  
не вѣрнымъ. Аполятія Апологіи есть не что иное,  
какъ краткое описание бывшаго въ 1628 году кі-  
евскаго собора православныхъ, на которомъ, при  
участії самаго Смотрицкаго, проклята была его  
анти-православная Апологія,--описаніе съ прило-

---

<sup>1)</sup>) Истор. Рос. Соловьевъ т. X, гл. 1. Рус. Исторія Костомарова, вып. IV стр. 67. Кирилло-Меѳодіевскій сборникъ, изд. Мартыновъ. Лейбцигъ 1863 г. стр. XXXVIII.—Причина указанного ошибочнаго мнѣнія объ *Апол.iiи Апологіи*, безъ сомнѣнія, заключается въ крайней ограниченности ея экземплярій (Ея не могъ достать для своихъ изслѣдований обѣ упіи даже неутомимый М. О. Кохловичъ, см. *Тит. Цер. Ун.* II. 378).



женіемъ документовъ, касающихся означенаго собора. Изъ этихъ документовъ въ нашей литературѣ извѣстны два: 1) Отреченіе М. Смотрицкаго оть своей Апологіи, произнесенное имъ въ соборной кіево-печерской церкви 15 авг. 1628 г. (оно въ переводѣ на польскій помѣщено въ *Antidotum Musiolowskae*, стр. 41—42); и 2) Письмо Мелетія Смотрицкаго къ митрополиту Іову Борецкому отъ 14 авг. того же года (помѣщено въ А. З. и Ю. Р. И. № 50; въ переводѣ на польскій языкъ напечатано въ издаваемой нами *Протестаціи* Смотрицкаго).

---

LVI.

**Письмо Мелетія Смотрицкаго къ Волынскому чашнику Лаврентію Древинскому съ извѣстіемъ о Кіевскомъ соборѣ 1828 г. и оправданіями по поводу своей измѣны православію.**

1628 юда, сент. 23.

Милостивый пане чашнику Волынскій.

Зычилъ бымъ въ справе той, о которой милость твоя до мене писать рачишъ, устне зъ милостю твою размовити, поневажъ щодостатку лисомъ выражити се не можетъ. Если милости твоей воля на то будеть лацио статисе можетъ: гдышъ Дермань отъ Луцка недалеко. Иле еднакъ листъ огорнути можетъ, зъ милостю твою якъ добре справы твої свѣдовмы зъ части моей любовнє, якъ милость твой припомнити рачишъ, перомъ побеседую. Дивуюсѧ многимъ зъ милостей вашихъ, же якобы николи справы твої не только не вѣдавши, але якобы о ней николи ани слыхавши, такъ въ ней и за ню на мене наступуете, и что бы ся то дѣяло пытаєте: по досыть бы было якъ милости твоей самому, такъ намѣсникови моему отцю Іосифови, а вголови преосвященному нашему господину его милости, господину отцу архимандриту печерскому и нѣкоторимъ інъшимъ, самыхъ себе внутръ подъ сумненемъ запытати, якъ ту у насъ